

04 APRIL 2018

Bawa ke pangkal jalan

Bawa ke pangkal jalan

■ AADK wujud program ISRA kekang jumlah penagih baru

Hafidzul Hilmi Mohd Noor
hafidzul@nstp.com.my

Kuala Lumpur

Ageni Anti Dadah Kebangsaan (AADK) menjalankan beberapa program memerangi dadah sekali gus menurunkan jumlah penagihan baru dan membersihkan sarang penagihan dengan lebih berkesan.

Antara program itu adalah 'Community Empowerment', Program Pendekatan Pemulihan Spiritual Islam (ISRA), Program Pemulihan Komuniti untuk Penagih Dadah (CRPD) dan Program Pensijilan Pengamal Psiko-Pendidikan Bertauliah.

Ketua Pengarah AADK Datuk Dr Abd Halim Mohd Hussin berkata, beberapa program dan modul sudah dijalankan pihaknya dalam



usaha memerangi dadah sejak tahun lalu.

"Kerajaan melihat kepentingan menggerakkan masyarakat setempat dalam menangani permasalahan penagihan dadah menerusi program Community Empowerment.

"Dengan pelaksanaannya, masyarakat mengambil peranan menerima semula de-

“**Dengan pelaksanaannya, masyarakat mengambil peranan menerima semula dengan seadanya penagih yang menjalani pemulihan. Masyarakat juga perlu membantu mereka menyediakan peluang pekerjaan”**

Dr Abd Halim Mohd Hussin

ngan seadanya penagih yang menjalani pemulihan. Masyarakat juga perlu membantu mereka menyediakan peluang pekerjaan," katanya ketika dihubungi, di sini, semalam.

Abd Halim berkata, menerusi program ISRA pula, AADK sudah memperluas-

kan program kepada lima pusat pemulihan tahun ini.

"Program ini membantu kepada kelangsungan perubahan sikap dan sifat dengan aktiviti keagamaan serta amalan menjurus kepada sahsiah keperibadian mulia. Modul pertama di dunia ini adalah program serampang dua mata dan mampu mewujudkan kelompok huffaz dalam kalangan mereka.

"Impak positif program ini menunjukkan pelatih yang mengikuti program ISRA tiada kes lari dari pusat, tiada barang terlarang ditemui di pusat berkenaan dan berjaya mengekalkan kepulihannya," katanya.

Katanya, program CRPD pula menumpukan pemulihan dan pencegahan secara holistik menerusi pendekatan inklusif membabitkan komuniti dan masyarakat.